

Broj: 06/1-18-1-570/21  
Sarajevo, 21.9.2021. godine

**VLADA FEDERACIJE BOSNE I HERCEGOVINE**

n/r mr.sc. Edita Kalajdžić, sekretar Vlade Federacije BiH  
Sarajevo

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Predmet: Odgovor na delegatsko pitanje  
Veza: Vaš akt broj: 03-04-1083/21 od 10.9.2021. godine

Primljeno: 22-09-2021			
Org. jed.	Broj	Priloga	Vrijednost
05/2	-02-	279	/21

Poštovana,

U vezi odgovora na delegatsko pitanje koje je delegat Jasmin Duvnjak postavio na 12. sjednici Doma naroda Parlamenta Federacije Bosne i Hercegovine održanoj 29.7.2021. godine, a koje između ostalog glasi:

„Vezano za donošenje novog Zakona o turističkoj djelatnosti, zanima me, dakle, dokle se došlo sa tom procedurom vezanom za donošenje novog Zakona o turizmu u FBiH“.

Na gore navedeno delegatsko pitanje dajemo sljedeći:

**ODGOVOR**

U ranijem odgovoru na Vaše delegatsko pitanje o donošenju novog Zakona o turizmu Federacije Bosne i Hercegovine, akt broj: 06/1-18-1-210/20 od 23.10.2020. godine, infomisali smo Vas o svim propisanim procedurama i postupcima koji su urađeni na donošenju novog Zakona o turizmu Federacije Bosne i Hercegovine, te da je Vlada Federacije Bosne i Hercegovine aktom broj: 03-02-1141/2016, 03-02-991/2016 od 23.09.2019. godine predmetni zakon povukla iz parlamentarne procedure radi dorade.

Federalno ministarstvo okoliša i turizma je kao obrađivač pristupilo postupku dorade predmetnog zakona uz činjenicu da je pandemija COVID-19 u velikoj mjeri usporila i odgodila da se predmetni postupak okonča i zakon uputi u parlamentarnu proceduru.

U okviru toga, održani su okrugli stolovi na temu „Izazovi vezani za Zakon o turizmu Federacije Bosne i Hercegovine i Zakon o ugostiteljstvu Federacije Bosne i Hercegovine“ koje je organizovala Privredna komora Federacije Bosne i Hercegovine u saradnji s Projektom unapređenja poslovne klime i pristupa tržištima (ICAM), koji

provodi Međunarodna finansijska korporacija (eng. International Finance Corporation – IFC), članica Grupacije Svjetske banke.

Okrugli stolovi održani su u tri grada Federacije Bosne i Hercegovine – Bihaću, Mostaru i Sarajevu. Cilj okruglih stolova bio je da se objedine primjedbe i prijedlozi privrednika sektora turizma i ugostiteljstva, predstavnika turističkih zajednica, udruženja, te nadležnih institucija vezano za postojeću zakonsku regulativu iz ovih oblasti.

Federalno ministarstvo okoliša i turizma kao obrađivač je u završnoj fazi dorade Zakona o turizmu Federacije Bosne i Hercegovine, te će nakon pribavljanja potrebnih mišljenja predmetni zakon uputiti na usvajanje Vladi Federacije Bosne i Hercegovine, te u dalju parlamentarnu proceduru na razmatranje i usvajanje od strane oba doma Parlamenta Federacije Bosne i Hercegovine.

S poštovanjem,

  
MINISTRICA  
Dr. Edita Đapo

Dostaviti:

- Naslovu,
- Izmir Hadžavdić, sekretar Doma naroda Parlamenta Federacije BiH,
- Jasmin Duvnjak, delegat u Domu naroda Parlamenta Federacije BiH,
- a/a.